

2025. GODIŠNJI IZVJEŠTAJ

Narativni bilten aktivnosti

Pregled najvažnijih aktivnosti, projekata i rezultata **Centra za mlade INPUT** Zenica, realizovanih tokom protekle godine.



SADRŽAJ

Uvod	2
O nama	3
Aktivnosti iz Januara	5
Aktivnosti iz Februara	8
Aktivnosti iz Marta	10
Aktivnosti iz Aprila	13
Aktivnosti iz Maja	16
Aktivnosti iz Juna	19
Aktivnosti iz Jula	21
Aktivnosti iz Augusta	22
Aktivnosti iz Septembra.....	23
Aktivnosti iz Oktobra.....	24
Aktivnosti iz Novembra.....	25
Aktivnosti iz Decembra.....	27



Pregled ključnih aktivnosti, postignuća i projekata, s fokusom na doprinos mladima i zajednici te uticaj obrazovnih, društvenih i volonterskih inicijativa na razvoj vještina mladih.

Uvod

Centar za mlade INPUT već godinama predstavlja siguran, podržavajući i poticajan prostor u kojem djeca i mladi imaju priliku učiti, razvijati svoje talente i istraživati oblasti koje ih zanimaju. Naša misija je osnaživanje mladih kroz kvalitetne edukativne i kreativne programe, te pružanje prilike svakom pojedincu da pronade svoje mjesto, izrazi sebe i stekne vještine koje će mu koristiti u budućnosti.

U proteklom periodu realizovali smo niz raznovrsnih aktivnosti koje su obuhvatile edukaciju, obilježavanje važnih datuma, kreativne radionice i tematske posjete. Posebno smo ponosni na obilježavanje Međunarodnog dana djevojaka u IKT-u, kada smo kroz radionice programiranja, grafičkog dizajna i 3D modeliranja otvorili vrata tehnološkog svijeta za mlade djevojke, ohrabrujući ih da sanjaju velike snove i vjeruju u sebe.

Proslavili smo i 17. rođendan Centra za mlade INPUT uz Dan otvorenih vrata, koji je okupio učenike, saradnike i prijatelje našeg centra. Pored toga, obilježili smo Svjetski dan engleskog jezika i podsjetili koliko je važno ulaganje u jezičke vještine kao ključ za otvaranje novih prilika.

Kroz sve naše kurseve i radionice, kao što su engleski jezik, programiranje, grafički dizajn i mnoge druge, nastojimo povezati znanje i praksu, motivisati mlade da postanu samouvjereni, proaktivni i spremni za izazove savremenog doba. Kroz igru, timski rad, kreativnost i edukaciju gradimo zajednicu u kojoj su mladost, ideje i energija pokretačka snaga pozitivnih promjena.

Ovaj bilten donosi pregled najvažnijih aktivnosti koje su obilježile naš rad u prethodnom periodu – aktivnosti koje inspirišu, povezuju i pokreću. Hvala vam što ste dio naše priče!

O nama


Centar za mlade INPUT

Mi smo dinamična organizacija koja predstavlja centar za okupljanje, učenje i inspiraciju mladih. U našem prostoru, svaki mladi pojedinac ima priliku razviti svoje talente, pronaći podršku i sudjelovati u raznovrsnim programima i aktivnostima.

Centar za mlade INPUT je organizacija koja se bavi edukacijom i podrškom mladih kroz inovativne i interaktivne programe. Fokusirani smo na razvoj vještina u oblasti tehnologije, STEM-a (nauka, tehnologija, inženjerstvo i matematika), grafičkog dizajna, jezika i društvenog aktivizma. Centar pruža priliku mladima da kroz kurseve, radionice i projekte razvijaju kreativnost, kritičko razmišljanje, timski rad i komunikaciju.

Aktivni smo u zajednici, organizujemo volonterske akcije, učestvujemo u lokalnim i međunarodnim projektima, i saradujemo s drugim nevladinim organizacijama. Takođe, nudimo prostor za druženje, razmjenu ideja i realizaciju inovativnih projekata, čime mladima omogućavamo platformu za rast i afirmaciju.

Programi su prilagođeni različitim uzrastima i nivoima znanja, od osnovaca do mladih profesionalaca, a tim stručnih mentora pruža podršku u svakom koraku. Centar za mlade INPUT je mjesto gdje se mladi inspirišu, povezuju i pripremaju za buduće izazove.



O nama

Misija

Misija Centra za mlade INPUT je višeslojna i duboko ukorijenjena u vrijednostima osnaživanja, obrazovanja i angažmana mladih. Težimo omogućiti mladima dostojanstven život u budućnosti, pružajući im alate, resurse i podršku koja im je potrebna da ostvare svoje ciljeve i ambicije. To znači pružiti im kvalitetno neformalno obrazovanje koje će im otvoriti vrata ka svijetu mogućnosti, osigurati im prava na sve društvene tokove i podržati ih u njihovim ambicijama i snovima.

Vizija

Naša vizija je jednostavna, ali moćna – pružiti mladima priliku da steknu nova znanja, da ih dijele s drugima i da im budemo podrška i “vjetar u leđa” dok kroče putem prema budućnosti. Učimo ih da se osnaže, da se angažiraju u svojim zajednicama i da prepoznaju svoju ulogu u oblikovanju boljeg sutra. Naša vizija je da mladi prepoznaju svoju ulogu u društvu kao pokretači promjena i lideri budućnosti. Vjerujemo da svaki mladi čovjek ima neograničen potencijal, a naš zadatak je da im pomognemo da taj potencijal ostvare na najbolji mogući način.



Aktivnosti iz Januara

Takmičarski duh i tehnologija na djelu uz INPUT MakersBot Ligu!

Centar za mlade INPUT ponovo je okupio mlade ljubitelje tehnologije na još jednom uzbudljivom takmičenju u okviru projekta INPUT MakersBot Liga. Takmičenje je pružilo priliku učesnicima da kroz praktične zadatke pokažu svoje vještine u programiranju mBot robota i rješavanju tehnoloških izazova. Uz timski rad učesnici su demonstrirali kako se savladavaju izazovi budućnosti kroz inovativne ideje i tehnologiju.



After School program uz podršku Bosana Fondacije

Centar za mlade INPUT s ponosom ističe da su i tokom 2024. godine volonteri bili aktivnim na edukaciji i afirmaciji djece i mladih u JU "Dom porodica" Zenica. Kroz program After School, instruktivnu nastavu i vananstavne aktivnosti iz oblasti STEM-a i IT-a, djeca su imala priliku učiti kroz igru, družiti se i zabavljati uz podršku Bosana Fondacije.



Centar za mlade INPUT - "Stariji brat, starija sestra"

Kroz mentorski program Stariji brat, starija sestra povezujemo volontere s djecom u cilju stvaranja snažnih, brižnih odnosa koji otvaraju vrata za budućnost. Volonterke Centra za mlade INPUT već uspješno pružaju podršku djeci, dijeleći s njima dragocjene trenutke, sudjelujući u njihovom razvoju i pomažući im da nauče životne vještine, proširujući socijalnu mrežu i gradeći sigurno okruženje za njihov rast i napredak.



Januar

Nastavak edukativnih aktivnosti - JU "Dom porodica"

Centar za mlade INPUT Zenica nastavlja s posvećenim radom na obrazovanju i razvoju djece i mladih, i tokom zimskog raspusta! U saradnji sa JU "Dom porodica" Zenica organiziramo radionice iz STEM-a, informatike, 2D i 3D dizajna, kako bismo mladima omogućili sticanje praktičnih i inovativnih znanja u STEM MAKERSPACE LAB Input. To je naš prostor za inovacije i mjesto gdje se sve aktivnosti održavaju.



Projekat u završnoj fazi! - Softveraši u INPUT-u

Centar za mlade INPUT je imao priliku svjedočiti završnim fazama rada na projektu studenata Politehničkog fakulteta, odsjek Softversko inženjerstvo. Njihov projekat, koji obuhvata inovativna softverska rješenja, primjer je kako teorijsko znanje stečeno na fakultetu može pronaći praktičnu primjenu kroz angažman u stvarnim radnim okruženjima.



Edukacija za žene treće dobi uspješno završena!

Centar za mlade INPUT je imao čast organizovati edukaciju za članice Udruženja "Žene Jalijske". Polaznice su naučile kako koristiti napredne funkcije svojih pametnih telefona, a posebno smo se fokusirali na upoznavanje s alatima poput ChatGPT-a, koji im može pomoći u svakodnevnim situacijama. Polaznice su pokazale sjajno znanje, timski duh i, naravno, uživale u zabavnim trenucima.



Januar

Timski rad za ljepšu zajednicu – Volonteri Fondacije Hastor


Volonteri Fondacije Hastor i ovaj vikend su proveli u Centru za mlade INPUT, uz svoje uobičajene aktivnosti, stvarajući tako pozitivnu atmosferu u našem prostoru. Pored toga, odlučili su iskoristiti svoje vrijeme kako bi pomogli u čišćenju dvorišta našeg Centra, pokazujući veliku predanost i želju za doprinosom zajednici. Ovaj angažman ističe njihov entuzijizam i odgovornost prema okolini.

Čestitamo našim praktikanticama!

Naše talentovane praktikantice Hanadi i Sara, studentice treće godine Politehničkog fakulteta, odsjek Softversko inženjerstvo, uspješno su završile praksu u Centru za mlade INPUT! Tokom prakse radile su na različitim projektima, pomagale na našim edukacijama za mlade, nesebično dijeleći svoje znanje i iskustvo, i još mnogo toga.

Volonteri Fondacije Hastor ponovo u našem Centru

Naš Centar i ovog mjeseca s ponosom ugostio je volontere Fondacije Hastor – Adina i Nejru! Njihova posvećenost i želja da doprinesu zajednici ne prestaje inspirirati. Adin i Nejra aktivno učestvuju u našim aktivnostima, pomažući u organizaciji Centra, podršci mladima i kreiranju novih edukativnih sadržaja. Njihova energija, predanost i entuzijizam unose dodatnu vrijednost našem timu, a njihov trud pomaže mladima da steknu nova znanja i vještine.



Aktivnosti iz Februara

Mladi koji pokreću promjene u svojoj zajednici

Centar za mlade INPUT je organizirao četiri fokus grupe na kojima smo razgovarali o Zakonu o mladima, njegovoj važnosti za poboljšanje života mladih, ali i izazovima i problemima s kojima se suočavaju u našoj lokalnoj zajednici. Ove aktivnosti su dio projekta DIGI:MON - Digitalni centar za mlade, kojeg implementiraju World Vision Bosna i Hercegovina, Udruženje "Naša djeca" Sarajevo i Evropska unija u BiH.



Dan sigurnijeg interneta u Centru za mlade INPUT

Povodom Dana sigurnijeg interneta, Centar za mlade INPUT ugostio je učenike 8. razreda OŠ "Vladimir Nazor" Zenica u pratnji profesorice Aldine Nadžaković. Kroz interaktivno predavanje i diskusiju, učenici su učili o važnosti zaštite privatnosti na internetu, prepoznavanju online prijetnji i odgovornom korištenju digitalnih tehnologija.



Međunarodni dan žena i djevojaka u nauci

Povodom Međunarodnog dana žena i djevojaka u nauci, Centar za mlade INPUT ugostio je učenike trećih i četvrtih razreda Medicinske škole Zenica, u pratnji profesorica Jasmine Dizdarević i Anise Šehić, koji su prisustvovali online konferenciji Particle Therapy Masterclass. Ovaj masterclass organizovao je Odsjek za fiziku Prirodno-matematički fakultet Univerziteta u Sarajevu.



Februar

Kurs engleskog jezika u Centru za mlade INPUT

Kroz pažljivo osmišljene radionice, djeca su imala priliku da na zabavan i interaktivan način nauče kako prepoznati, razumjeti i izraziti svoje emocije. Aktivnost je obuhvatala igre, crtanje i iskrene razgovore, a završena je kratkim videom u kojem su mališani podijelili svoja osjećanja. Ova edukativna aktivnost pokazala je koliko je važno još od najranijeg uzrasta graditi emocionalnu pismenost i otvorenu komunikaciju.



After School program u JU "Dom porodica"

I ove sedmice smo u okviru After School programa nastavili s instruktivnom nastavom iz matematike, fizike i drugih predmeta za djecu i mlade u JU "Dom-porodica" Zenica. Naši edukatori su se trudili da kroz zanimljive metode približe gradivo i olakšaju učenje, a posebno nas raduje velika angažovanost djece!



Centar za mlade INPUT za BHRT – Dan nezavisnosti

Povodom 1. marta, Dana nezavisnosti BiH, izvršni direktor Centra za mlade INPUT, Adi Salčinović, dao je izjavu za Federalnu TV na temu mladih u BiH. „Kroz rad Centra za mlade INPUT, svjedočimo tome da mladi nisu pasivni – oni žele učiti, inovirati i doprinositi svojoj zajednici. Naša je dužnost kao društva da im omogućimo uvjete u kojima će moći ostvariti svoj potencijal“, rekao je Adi Salčinović.



Aktivnosti iz Marta

Dan otvorenih vrata u Centru za mlade INPUT

Povodom 17. rođendana Centra za mlade INPUT, organizovan je Dan otvorenih vrata kojim smo obilježili godine posvećenog rada s mladima. U gostima su nam bili učenici OŠ "Vladimir Nazor" Zenica, s kojima smo proveli dan ispunjen edukacijom, kreativnošću i druženjem. Učenici su imali priliku upoznati se s aktivnostima i prostorijama Centra, istražiti nove tehnologije i učestvovati u interaktivnim radionicama.



Hvala na podršci povodom 17 godina INPUT-a

Povodom obilježavanja 17. godišnjice Centra za mlade INPUT, primili smo veliki broj čestitki, poruka podrške i toplih želja. Svaka od njih nam je uljepšala dan i podsjetila koliko je važno ono što radimo zajedno s mladima. Zahvaljujemo se svima koji su bili uz nas kroz godine, a posebno onima koji su nas podržali i u ovom značajnom trenutku. Vaša podrška nas motiviše da nastavimo s još većim entuzijazmom i posvećenošću.



Nove praktikantice u Inputu

Već petu godinu zaredom, studenti Politehničkog fakulteta UNZE obavljaju stručnu praksu u Centru za mlade INPUT! Ovog puta, dobrodošlicu želimo našim novim praktikanticama - Sumeji, Amri i Samini, studenticama Softverskog inženjerstva! Kroz praktičan rad u našem Centru, imat će priliku primijeniti stečeno znanje, usavršiti svoje vještine i raditi na inovativnim IT projektima.



Mart

Novo partnersvo za jačanje obrazovanja!

Ispred Centar za mlade INPUT, direktor Adi Salčinović potpisao je sporazum o saradnji sa JU Prva gimnazija u Zenici, direktoricom Melisom Begović. Ova saradnja donosi nove prilike za učenike kroz edukativne programe, radionice i projekte koji spajaju teoriju i praksu. Vjerujemo da će ovo partnerstvo donijeti brojne benefite učenicima i dodatno ih motivisati da razvijaju svoje talente i interese kroz inovativne pristupe učenju.




Tehnička škola Zenica u Centru za mlade INPUT

Imali smo priliku ugostiti učenike trećeg razreda Tehnička škola Zenica povodom Dana otvorenih vrata Centra za mlade INPUT. Kroz dinamičan i interaktivan program, učenici su učestvovali u kvizu znanja i osvojili nagrade, istraživali svijet 3D modeliranja i kreativno dizajnirali pomoću 3D olovaka, upoznali se s osnovama razvoja mobilnih aplikacija, te kroz praktične zadatke otkrivali zanimljivosti iz elektronike.



Učenje kroz praksu u Inputu

Naša nova grupa praktikanata napreduje u svom radu. Kroz praktične zadatke i mentorstvo istražuju osnove razvoja mobilnih aplikacija i usvajaju vrijedne vještine u ovom uzbudljivom području! Polako ali sigurno prelaze od osnovnih koncepata do sve složenijih zadataka, učestvujući u kreativnim procesima i učenju novih tehnologija. Dobili smo i pojačanje – novu praktikanticu, Nadinu Muračević!



Mart

Praksa u Inputu – mjesto gdje znanje postaje iskustvo

U Centru za mlade INPUT studenti i mladi imaju priliku da steknu vrijedno praktično iskustvo kroz rad na različitim projektima i aktivnostima. Kroz ovu praksu, učesnici razvijaju stručne i tehničke vještine, uče timski rad i stiču nova znanja koja će im pomoći u daljoj karijeri. Kombinacijom mentorske podrške, savremenih tehnologija i inspirativnog okruženja, mladima pružamo priliku da svoje ideje pretvore u stvarnost.

Tradicionalni iftar u Centru za mlade INPUT

Kao i svake godine, Centar za mlade INPUT je organizovao tradicionalni iftar, koji je protekao u duhu zajedništva i solidarnosti. U našim prostorijama ugostili smo djecu iz JU "Dom-porodica" Zenica, s kojima smo zajedno podijelili radost koju sa sobom donosi mjesec Ramazan. Zahvaljujemo se Merhamet RO Zenica na obezbjeđivanju iftara, kao i našim divnim volonterkama i volonterima na zalaganju.

Učenje kroz iskustvo – praksa

Naši praktikanti aktivno rade na svojim projektima, stiču nova znanja i razvijaju vještine koje će im pomoći u budućim karijerama! Kroz praktičan rad, mentorstvo i timsku saradnju, mladi imaju priliku primijeniti teorijska znanja u stvarnim projektima. Nedavno su savladali osnove 3D modeliranja i printanja, programiranja, grafičkog dizajna i još mnogo toga! Ponosni smo što možemo pružiti mladima prostor za učenje, razvoj i inovacije!



Aktivnosti iz Aprila

Ponosni na našu članicu Naidu


Naša članica Centra za mlade INPUT, Naida Burkić, studentica prve godine Politehničkog fakulteta – odsjek Softversko inženjerstvo, još jednom nas je oduševila! Od talentovane likovne umjetnice do vrsne informatičarke i buduće softver inženjerke – Naida je primjer mlade osobe koja se nesebično trudi, uči i napreduje svakim danom. Imali smo čast i zadovoljstvo pružiti joj podršku, ustupiti prostor i opremu za rad, a ona je, zajedno sa svojim timom kolega s fakulteta, uspješno realizovala fantastičan projekat!

Praksa koja inspiriše...

U Centru za mlade INPUT, praksa nije samo radna obaveza – to je prilika za rast, istraživanje i razvoj novih vještina. Naše vrijedne praktikantice ovih dana marljivo rade na svom projektu i s velikim interesovanjem zakoračile su u svijet Arduina. Kroz praktične aktivnosti upoznale su se sa osnovnim komponentama poput LED dioda, senzora i motora, naučile kako ih povezati s Arduino pločicom te kako ih programirati uz pomoć Arduino okruženja.

Centar za mlade INPUT o besplatnom programu

zvršni direktor Centra za mlade INPUT, Adi Salčinović, dao je izjavu za RTV Zenica povodom besplatne obuke rada na računaru namijenjene svim nezaposlenim licima sa područja Zeničko-dobojskog kantona. Cilj ove obuke je osnažiti učesnike osnovnim digitalnim vještinama i unaprijediti njihovu konkurentnost na tržištu rada.



April

STEM Coding radionica

U sklopu STEM Coding programa održana je radionica u inspirativnom prostoru American Corner Zenica, gdje su učesnici imali priliku zakoračiti u svijet 3D dizajna i modeliranja! Radionicu je vodio prof. Adi Salčinović, koji je učesnicima na praktičan i kreativan način približio osnove 3D modeliranja, te pokazao kako se ideje mogu pretvoriti u stvarne trodimenzionalne oblike. Kroz zanimljive primjere i interaktivne zadatke, učesnici su razvijali svoje tehničke i kreativne vještine.



Poseban dan u Centru za mlade INPUT

Naši praktikanti danas su vrijedno radili na svojim Arduino projektima, istražujući svijet elektronike, programiranja i inovacija. Kroz ove projekte razvijaju svoje tehničke vještine, kreativnost i sposobnost timskog rada, uz podršku mentora i kolega iz INPUT tima. Uz ovu produktivnu atmosferu stigla nam je i prilika za slavlje! Našoj dragoj praktikantici Samini želimo sretan rođendan!



Evropski preventivski kurikulum (EUPC)

Predstavnik Centra za mlade INPUT, Adi Salčinović, prisustvovao je dvodnevnom treningu o Evropskom preventivskom kurikulumu, osmišljenom s ciljem jačanja znanja i vještina u oblasti prevencije. Tokom treninga istaknuta je važnost naučno utemeljenih pristupa, primjena efikasnih strategija i uloga različitih društvenih sredina u preventivskim procesima.



April

Engleski jezik – prozor u svijet znanja i mogućnosti

Povodom Svjetskog dana engleskog jezika, u Centru za mlade INPUT obilježili smo ovaj dan prikazom rada sa našeg kursa engleskog jezika. Učenje jezika kod nas nije klasično i dosadno – naši polaznici savladavaju engleski kroz razgovor, timski rad, igru i kreativne zadatke. Kroz ovakav pristup razvijaju ne samo jezičke vještine, već i samopouzdanje, saradnju i kritičko razmišljanje.




Međunarodni dan djevojaka u IKTu

Centar za mlade INPUT obilježio je Međunarodni dan djevojaka u IKTu. Učesnice su imale priliku učestvovati u radionicama programiranja, grafičkog dizajna i 3D modeliranja, gdje su se kroz praktičan rad upoznale s osnovama najtraženijih digitalnih vještina. Također su posjetile ZENCODE, Politehnički fakultet i ZEDA-u, gdje su razgovarale sa stručnjakinjama iz IT sektora i dobile dodatnu motivaciju za razmišljanje o karijeri u tehnologiji.



Klikni na promjenu!

Centar za mlade INPUT i već jedanaestu godinu zaredom obilježava Međunarodni dan djevojaka u informacionim tehnologijama, koji se globalno obilježava svake godine u četvrtoj sedmici aprila. Ove godine, ovaj važan datum obilježen je 24. aprila 2025. godine, cjelodnevnom aktivnostima pod nazivom “Klikni na promjenu – Djevojke u IT-u”, koji je okupio 30 djevojaka iz osnovnih i srednjih škola iz Zenice.



Aktivnosti iz Maja

17 godina – 28.000+ priča. Jedna od njih je Adinova.


Još 2018. godine, jedan tihi gimnazijalac zakoračio je u Centar za mlade INPUT – vođen preporukom, ali i željom da pronade nešto više. Tu je sreo mentora, podršku i prijatelje. Pod mentorstvom Adija Salčinovića, Adin je započeo svoje putovanje u svijet tehnologije i zajedništva. Ubrzo je, iz uloge polaznika, prešao u ulogu mentora. Od tada, nikada nije otišao. Danas, 2025. godine, Adin je magistar softverskog inženjerstva.

Interaktivna STEM radionica

Centar za mlade INPUT održao je još jednu STEM radionicu American Corner Zenica! Zajedno smo sastavljali i programirali robote koristeći Arduino, učili kako funkcionišu senzori, motori i mikrokontroleri, te na zabavan način zakoračili u svijet tehnologije! Posebnu čar dali su učenici i njihova nastavnica Aldina, koji su sa velikim interesovanjem učestvovali u svakom koraku – bravo za njihovu hrabrost i znatiželju!

Digitalni most u Brezi

U sklopu projekta "Digitalni most: Osnajivanje mladih i žena za budućnost", Centar za mlade INPUT danas je održao edukativnu radionicu u prostorijama Društveni centar Breza. Radionica je bila posvećena jačanju digitalnih kompetencija, a poseban fokus stavljen je na upoznavanje i korištenje alata ChatGPT i Canva. Polaznice su sa velikim interesovanjem pratile svaki dio programa, aktivno učestvujući u praktičnim zadacima i vježbama.



Maj

Vikend ispunjen znanjem, podrškom i mladalačkom energijom

U predivnoj atmosferi druženja i učenja, naš Centar je proteklog vikenda bio domaćin edukativnim radionicama koje su realizovali stipendisti Fondacije Hastor. Radionice su bile posvećene temama mentalnog zdravlja, kontrole stresa i suočavanja s anksioznošću. Radionice su bile prilika za lični rast, jačanje međusobne povezanosti i razvoj zdravih navika za očuvanje mentalnog blagostanja.

Uspješno održane radionice u okviru projekta eSAFE

U prostorijama Prve gimnazije Zenica održane su dvije edukativne radionice u okviru projekta "eSAFE - Sigurno i odgovorno korištenje interneta" na kojima je učestvovalo oko 50 učenika. Radionice je vodio prof.dr. Hadžib Salkić, koji je kroz zanimljivo predavanje upoznao učenike sa važnim temama sigurnosti i odgovornog ponašanja na internetu

eSAFE u Medicinskoj školi Zenica

Centar za mlade INPUT nastavlja sa edukativnim radionicama u okviru projekta "eSAFE - Sigurno i odgovorno korištenje interneta", a nova radionica je održana u Medicinskoj školi Zenica. Tokom radionice, učenici su imali priliku slušati predavanje prof.dr. Hadžib Salkić, koji je govorio o prepoznavanju opasnosti na internetu, zaštiti ličnih podataka i pravilima sigurnog online ponašanja.



Maj

Završena posljednja radionica u okviru eSAFE projekta

U sklopu projekta "eSAFE – Sigurno i odgovorno korištenje interneta", Centar za mlade INPUT održao je posljednju radionicu u Medicinskoj školi Zenica, sa drugom grupom učenika. Radionicu je vodio prof.dr. Hadžib Salkić, koji je kroz edukativno predavanje govorio o ključnim temama digitalne sigurnosti – zaštiti ličnih podataka, prepoznavanju online opasnosti i odgovornom korištenju interneta.

Mladi za mlade – digitalno, snažno i povezano!

Predstavnik Centar za mlade INPUT danas i sutra učestvuje na treningu u okviru platforme DIGI:MON, koju implementiraju World Vision Bosna i Hercegovina i Udruženje "Naša djeca" Sarajevo, uz podršku Evropske unije i Ministarstva za ljudska prava i izbjeglice BiH – platforme koja mladima širom BiH daje prostor da uče, djeluju i ostave trag! DIGI:MON okuplja energične, kreativne i predane mlade, stvarajući mrežu zajedništva, znanja i pozitivnih promjena.



Aktivnosti iz Juna

Peta generacija praktikanata: Svečano uručenje potvrda

U Centru za mlade INPUT upriličeno je svečano uručenje potvrda o uspješno završenoj stručnoj praksi studenticama Politehničkog fakulteta – Odsjek Softversko inženjerstvo. Ovaj događaj predstavlja završnicu rada pete generacije praktikanata koji su tokom programa ostvarili značajan profesionalni i lični napredak, povezivanja teorijskog znanja sa praksom.



Digitalni most u Tešnju – uspješno realizovana edukativna radionica

U okviru projekta „Digitalni most: Osnaživanje mladih i žena za budućnost“, Centar za mlade INPUT uspješno je realizovao edukativnu radionicu u prostorijama Tech Lab Tešanj, s ciljem jačanja digitalnih vještina i kompetencija mladih i žena. Radionica je bila fokusirana na praktičnu primjenu savremenih digitalnih alata, s posebnim naglaskom na korištenje platformi ChatGPT i Canva.

Juni

Potpisan Memorandum o saradnji – korak ka inkluzivnijem društvu

Centar za mlade INPUT, koji predstavlja direktor Adi Salčinović, i Udruženje paraplegičara i oboljelih od dječije paralize Zenica, na čijem je čelu predsjednica Samira Đidić, zvanično su potpisali Memorandum o saradnji, čime je uspostavljen temelj za dugoročnu i stratešku saradnju.

Potpisivanjem Memoranduma otvorene su mogućnosti za zajedničko djelovanje kroz realizaciju inkluzivnih aktivnosti i programa usmjerenih na osnaživanje osoba sa invaliditetom



Održana Radionica tehnologije i kreativnosti

U Centru za mlade INPUT održana je edukativno-kreativna STEM radionica za djecu uzrasta od 11 do 13 godina, u saradnji sa Rotary Clubom Zenica. Učesnici su kroz praktičan rad učili osnove 3D modeliranja i printanja, rada s 3D olovkama, edukativnim robotima, blokovskog programiranja, VR tehnologije i upravljanja dronom, razvijajući kreativnost i interes za savremene tehnologije.

Aktivnosti iz Jula

Uspješno realizovana obuka “Operater na računaru”

U prostorijama Centra za mlade INPUT uspješno je realizovana obuka „Operater na računaru“ za 10 polaznika i polaznica, u okviru programa obuke za tržište rada Federalnog zavoda za zapošljavanje. Kroz praktičan rad i mentorsku podršku, učesnici su stekli osnovna znanja iz rada na računaru, Microsoft Office alata i savremenih digitalnih platformi, čime su unaprijedili svoje kompetencije za zapošljavanje.



Završena CoderDojo škola programiranja

Centar za mlade INPUT je, u saradnji s BitAlijansom, realizovao CoderDojo program besplatne edukacije iz programiranja za djecu i mlade u Zenici. Kroz interaktivne radionice iz programskog jezika Python, uz mentorsku podršku, učesnici su razvijali digitalne vještine, logičko razmišljanje i kreativnost, u okviru globalne CoderDojo inicijative koju Centar uspješno provodi već godinama.

Aktivnosti iz Augusta



Organizovan sajam mladih poduzetnika kreativaca

Centar za mlade INPUT je po jedanaesti put obilježio Međunarodni dan mladih u Zenici, organizujući Sajam mladih poduzetnih kreativaca, koji je okupio talentovane, inovativne i društveno angažovane mlade iz Zenice i okolnih zajednica.

Tokom sajma, posjetioci su imali priliku upoznati se s raznovrsnim rukotvorinama, umjetničkim djelima, kreativnim proizvodima, kao i inovativnim idejama i projektima mladih autora, predstavljenim na tematski uređenim štandovima

Uspješno realizovana radionica „Učenje šaha uz računar“

U Centru za mlade INPUT održana je edukativna radionica pod nazivom „Učenje šaha uz računar“, namijenjena djeci i mladima, s ciljem razvoja logičkog razmišljanja i strateških vještina kroz kombinaciju igre i savremenih tehnologija. Radionicu je vodio volonter Abdulaziz Hodžić, koji je učesnike upoznao s osnovama šaha, prvim potezima i elementarnim strategijama, koristeći digitalne alate i online platforme prilagođene učenju šaha.



Aktivnosti iz Septembra



Uspješno realizovana radionica „Pisanje i upravljanje projektima“

Centar za mlade INPUT uspješno je organizovao radionicu pod nazivom „Pisanje i upravljanje projektima“, namijenjenu predstavnicima organizacija osoba s invaliditetom i udruženja civilnih žrtava rata. Kroz interaktivan način rada, kvizove znanja i praktične vježbe, učesnici su imali priliku unaprijediti svoje kapacitete u oblasti planiranja, pisanja i realizacije projekata, te razviti vještine koje će moći primijeniti u radu svojih organizacija.

STEM edukacije u Domu porodica Zenica

U STEM MAKERSPACE LAB-u JU Dom porodica Zenica, članovi i volonteri Centra za mlade INPUT svakodnevno pružaju djeci i mladima prilike za sticanje novih znanja i vještina kroz After School program. Cilj ovog programa je da svako dijete otkrije svoje potencijale, razvije kritičko mišljenje i stekne praktična znanja koja otvaraju vrata budućnosti.

Centar za mlade INPUT stvara okruženje u kojem učenje postaje igra, a kreativnost i mašta podstiču inovacije i osnažuju mlade da aktivno oblikuju svoju budućnost.



Aktivnosti iz Oktobra

Centar za mlade INPUT na Sajmu filantropije

Centar za mlade INPUT učestvovao je na Sajmu filantropije, koji je organizovala Lokalna fondacija Zenica, a na kojem se predstavilo oko 20 nevladinih organizacija iz Zenice. Na ovom događaju, rad, projekte i rezultate Centra predstavio je Adi Salčinović, izvršni direktor Centra za mlade INPUT, koji je 2014. godine prepoznat kao najmlađi filantrop u Bosni i Hercegovini.



Trening javnog nastupa i komunikacijskih vještina

U prostorijama Centra za mlade INPUT održan je Trening javnog nastupa i komunikacijskih vještina, namijenjen mladima koji žele unaprijediti svoje sposobnosti prezentacije i izražavanja pred publikom.

Tokom treninga, učesnici su kroz praktične vježbe i interaktivni pristup imali priliku da nauče kako jasno i učinkovito predstaviti svoje ideje, razvijati vještine slušanja, te jačati samopouzdanje u različitim životnim i profesionalnim situacijama

Mladi u pokretu – od ideje do 3D budućnosti

U prostorijama Centra za mlade INPUT Zenica održana je radionica iz osnova 3D dizajna i modeliranja, u okviru projekta „Mladi u pokretu – od ideje do 3D budućnosti“.

Na radionici su učestvovali učenici Osnovne škole „Vladimir Nazor“ Zenica, koji su se upoznali sa svijetom 3D tehnologije, naučili kreirati vlastite digitalne modele i vidjeli kako ideja može biti pretvorena u stvaran 3D proizvod.



Aktivnosti iz Novembra

Održana radionica osnaživanja žena – Žene za žene International

U prostorijama Centra za mlade INPUT danas je održana radionica u okviru projekta GROW – Stvaranje prilika za žene u ruralnim područjima, koju je organizovalo udruženje Žene za žene International. Radionica je okupila liderke iz pet lokalnih udruženja, s fokusom na jačanje kapaciteta, rodnu ravnopravnost i unapređenje uloge žena unutar svojih zajednica.



Obilježen Svjetski dan djeteta 2025.

Realizovan Festival dječije radosti, kojim je obilježen Svjetski dan djeteta 2025.. Više od stotinu učenika škole učestvovalo je u aktivnostima koje su istovremeno edukativne i zabavne, a koje podstiču dječiju kreativnost, radoznalost i društvenu uključenost. Program festivala obuhvatio je različite STEM aktivnosti, uključujući robotiku, programiranje, 3D modeliranje i štampu, korištenje 3D olovaka, LEGO konstrukcije i druge inovativne zadatke

Održana radionica u okviru projekta „Zeleni kutak za ugodan trenutak“

U radionici su učestvovali učenici iz četiri škole: OŠ Mak Dizdar, OŠ Meša Selimović, OŠ Vladimir Nazor i JU Prva gimnazija Zenica. Učenici su kroz interaktivne aktivnosti razgovarali o ekologiji, reciklaži i zaštiti okoliša, te razmjenjivali ideje i iskustva, pokazujući visok nivo angažmana i zainteresovanosti za stvaranje pozitivnih promjena u zajednici.



Novembar

Uspješno realizovane radionice STEM Kamp

U okviru STEM KAMP-a „Istraži, nauči, kreiraj“, Centar za mlade INPUT ugostio je učenike i nastavnike nekoliko zeničkih osnovnih škola. Učesnici su kroz praktične radionice radili s LEGO robotima, Arduino i micro:bit mikrokontrolerima, 3D printerima, dronovima i VR tehnologijom, razvijajući timski rad, kreativnost i logičko razmišljanje.



Obilježena Evropska sedmica robotike

Povodom Evropske sedmice robotike, Centar za mlade INPUT realizovao je interaktivnu radionicu robotike i STEM aktivnosti u JU Mješovita industrijska škola Zenica. Učenici su kroz praktičan rad sa savremenim STEM alatima razvijali znanja iz programiranja, elektronike i tehnologije, uz poseban fokus na kreativnost, logičko razmišljanje i timski rad.

Aktivnosti iz Decembra

Obilježen Međunarodni dan volontera

Izvršni direktor Centra, Adi Salčinović, održao je inspirativnu radionicu u JU Mješovita industrijska škola Zenica, tokom koje su učenici imali priliku razgovarati o značaju i vrijednostima volontiranja. Program je nastavljen i u JU Dom porodica Zenica, gdje su, uz standardne edukativne i kreativne radionice, aktivnosti bile usmjerene na obilježavanje ovog važnog dana



Organizovana radionica pod nazivom „Pametniji od prosjeka – AI kao alat budućnosti

Centar za mlade INPUT organizovao je edukativnu radionicu pod nazivom „Pametniji od prosjeka – AI kao alat budućnosti“, koju je vodila Ajla Karajko. Nakon radionice, snimljen je i prvi podcast s gošćom radionice, pružajući mladima dodatnu priliku za učenje i interaktivnu diskusiju.

Učestvovanje na Decembarskom Mešafestu u OŠ „Meša Selimović“

Centar za mlade INPUT imao je zadovoljstvo učestvovati na Decembarskom Mešafestu u OŠ „Meša Selimović“, gdje su učenici trećih razreda imali priliku da se upoznaju sa svijetom 3D modeliranja i savremenih tehnologija. Tokom radionice rade sa 3D olovkama, djeca su kroz igru, kreativnost i praktičan rad razvijala maštu, preciznost, strpljenje i inovativno razmišljanje.



Decembar

Uspješno realizovan projekat “Pametne kuće na dlanu – IoT & Arduino radionice za srednjoškolce”

U JU Prva gimnazija Zenica realizovan je projekat „Pametne kuće na dlanu – IoT & Arduino radionice za srednjoškolce” kroz šest edukativnih radionica, tokom kojih su učenici stekli osnovna znanja iz programiranja, elektronike i IoT tehnologija te izradili SMART HOME modele. Po završetku projekta učesnicima su uručeni certifikati.



Završen projekat „Osnažene organizacije za bolje sutra”

Održana je završna ceremonija projekta „Osnažene organizacije za bolje sutra”, na kojoj su učesnicima uručeni certifikati o završenim obukama iz projektnog upravljanja, javnog nastupa i informatičkih vještina. Ceremoniji je prisustvovao pomoćnik ministra Edin Arnaut, a Ministarstvu za rad, socijalnu politiku i izbjeglice ZDK uručena je zahvalnica za finansijsku podršku i saradnju.

Realizovana Akademija digitalnih vještina

U okviru Akademije digitalnih vještina za mlade, Centar za mlade INPUT realizovao je edukativne radionice usmjerene na jačanje digitalnih kompetencija mladih, s posebnim fokusom na primjenu vještačke inteligencije u učenju i svakodnevnom radu. Jedna od edukacija održana je u JU Mješovita srednja industrijska škola Zenica, gdje su učenici kroz praktičan rad učili odgovorno korištenje AI alata i razvoj digitalne pismenosti.



Projekti podržani i realizovani u saradnji sa:



**VLADA FEDERACIJE
BOSNE I HERCEGOVINE**
FEDERALNO MINISTARSTVO
KULTURE I SPORTA

FIRPO

Federalno ministarstvo razvoja
poduzetništva i obrta



Ministarstvo za rad,
socijalnu politiku i
izbjeglice Zeničko-
dobojskog kantona



Ministarstvo za
obrazovanje, nauku,
kulturu i sport
Zeničko-dobojskog
kantona



Grad Zenica



Ministarstvo civilnih poslova



LA
TERRA
NOSTRA



Interact
Club of Zenica



OMLADINSKI CENTAR BUGOJNO

Centar za mlade INPUT
– *Inspirisani mladima* –